

НЕИЗДАННЫЕ СОЧИНЕНИЯ МАКСИМА ГРЕКА

1

Послание великому князю Василию III

По рукописи Публ. библ. в Ленинграде, f. XVII, № 13, л. 75 об. — 82.

(л. 75 об.) Ничто же убо неп'щую безмѣстно, ниже внѣ разума творити възмнится, аще кто любовію, яже к начальствующим, съдрѣжим, съвѣта введет и временем пристоащаго и самѣм во высотах учиненым полезнаго. Аще бо прочаа, яже телесы служенія сим благолѣпно съврѣшающе, и хвалими бывають от них, аще и х(у)дѣйши будутъ, и дарованія приемлютъ, множае паче хвалам сподобитися им праведно ест, аще начальствующим слово мудро и съвѣтъ благоразумень покажут. И мнѣ убо любовію къ преимущей дрѣжавѣ царствія твоего подолгу съдрѣжиму, и бывшаа к ней измѣне от безбожныхъ скифѣ навѣты и досажденія к тому не терпящу, наипаче же и болѣзнующу о всѣх случившихся царствію твоему, о них же зрю скорбящу дрѣжаву твою, изволися (л. 76) добрѣ имѣти явьствена представити царствію твоему разума моего, его же малоуміе мое съвѣща ми. Твой же царскый и велемудреный разумъ да подометъ мѣне по обычаю не обинующуся. Но съдѣяннаа уже нам от безбожныхъ скифѣ оставляю глаголати в настоящем, како сиа быша: или божіим праведным судомъ нашаа мудро и праведно правяющаго, и к ним же отечьскы устроится, zde въздающаго о прегрѣшеніи муки, или нашим замѣдлѣніемъ, или воевод лѣнностію и неискусством, или нѣкоимъ иным нестроеніемъ. О тѣх, како убо быша, богъ вѣсть, иже вся къ исправленію нашему устрай: въ иных бо, рече, съгрѣшаим, и въ иных възприемлемъ. Сего ради подобаеъ всякому благочестивому царю в таковых неполученіи бога съ слезами и милостынями и къ подвластным благотвореніи молитва творити, аще убо умилосердится богъ о нас и подаст разумъ благъ и съвѣтъ благополучен и души храбрость на отмщеніе врагом нашим и всяко послушаетъ. «Близ бо, рече, господь всѣмъ призывающим его по истинѣ, волю боящихся его сътворитъ и молитву их послушаетъ и спасетъ их». Да не (л. 76 об.) дивимся убо о случившихся нам паче надежда, ниже